



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Health

Broj: 01-04-151-22/21  
Sarajevo, 23.02.2021.godine

**SKUPŠTINA KANTONA SARAJEVO**  
**- Služba za Skupštinske poslove-**

PREDMET: Odgovor na zastupničko pitanje - dostavlja se,

Zastupnik Igor Stojanović na 32. Radnoj sjednici Skupštine Kantona Sarajevo, održanoj dana 05.01.2021. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa Poslovníkom Skupštine Kantona Sarajevo postavio je zastupničko pitanje koje se odnosi na inicijativu dijabetičara djece i omladine Kantona Sarajevo, vezano za Uredbu koja je donesena 25.06.2018.godine

U vezi sa postavljenom zastupničkom inicijativom, Ministarstvo zdravstva Kantona Sarajevo dostavlja

**ODGOVOR**

Po dostavljenom pitanju zastupnika Igora Stojanovića, aktom broj 01-04-151-22/21 tražena je informacija od Zavoda zdravstvenog osiguranja Kantona Sarajevo čiju kopiju dostavljamo u prilogu Vam dostavljamo u prilogu, akt broj 01-33-5-837-2/21.

*S poštovanjem,*



web: <http://mz.ks.gov.ba>  
e-mail: [mz@mz.ks.gov.ba](mailto:mz@mz.ks.gov.ba)  
Tel: + 387 (0) 33 562-104,  
Fax: + 387 (0) 33 562-243  
Sarajevo, Reisa Džemaludina Čauševića 1





Broj: 01-33-5-237-2/21  
Datum: 17-02-2021

MINISTARSTVO ZDRAVSTVA KANTONA SARAJEVO  
REISA DŽEMALUDINA ČAUŠEVIĆA 1  
71000 SARAJEVO  
N/R PROF. DR. HARIS VRANIĆ, MINISTAR

Stamp: 17-02-2021  
Stamp: 10 04 151-22 -137

Predmet : Odgovor za zastupničko pitanje

Poštovani,

Vašim aktom 01-04-151-22/21 od 13.01.2021. godine dostavili ste nam zastupničko pitanje zastupnika Igora Stojanovića od 05.01.2021. godine koje glasi: "Na osnovu inicijative Udruženja dijabetičara djece i omladine Kantona Sarajevo postavljam pitanje Ministarstvu zdravstva: Zašto se ne provodi Uredba donosena 25.06.2018. godine koja je jednoglasno usvojena i odnosi se na slijedeće " uz prateće obrazloženje a koje se prvenstveno osnosi na zaključke skupštine iz .

Zbog značajnih nedostataka i nepreciznosti vezanih za provođenje postupka nabavke, utvrđivanja visine učešća i drugih pitanja od značaja, Uredba o obimu uslovima i načinu ostvarivanja prava osiguranih lica Kantona Sarajevo na funkcionalna medicinska sredstva objavljena u "Službenim novinama Kantona Sarajevo" broj 31/18 u praksi nikada nije zaživjela, a na inicijativu Upravnog odbora Zavoda resorno ministarstvo je pristupilo izradi nove uredbe. Nova Uredba o obimu, uslovima i načinu ostvarivanja prava osiguranih lica na medicinska sredstva u Kantonu Sarajevo objavljena je u Službenim novinama KS broj: 22/20 i stupila je na snagu 19.06.2020. godine. Odredbom člana 73. nove Uredbe, propisano je da se Uredba iz 2018. godine stavlja van snage.

Svakako, novom Uredbom omogućena su proširena prava svim grupama pacijenata, a pogotovo djeci oboljeloj od dijabetesa, i to u najvećem mogućem obimu, pogotovo u komparaciji sa drugim kantonima u FBiH.

Što se tiče odredbi skupštinskog zaključka sa 43. Radne sjednice od 25.06.2018. godine koji se pominje u inicijativi, ovim putem vas obavještavamo (prema tačkama saog zaključka):

1. *Da se lijek Glukogan osigura svim pacijentima iznulovisnicima a za sve koje utvrđena medicinska indikacija za upotrebu lijeka, isti nije obezbijđene kroz bolničko liječenje, osigura kroz prosječan program/prokol na teret sredstava obaveznog osiguranja, a preko ZZO Kantona Sarajevo*

Lijek Glukogan je sastavni dio amuplarne liste lijekova koji se koriste u primarnoj zdravstvenoj zaštiti i Zavod istu finansira u primarnoj zdravstvenoj zaštiti bez ikakvih ograničenja, a u prethodnom periodu je u više navrata vršio i urgencije prema JU Dom zdravlja Kantona Sarajevo da se omogući nesmetano korištenje svim pacijentima koji imaju potrebu za ovim lijekom.

2. *Da se kroz izmjene i dopune budžeta KS obezbijedi 300.000 KM za nabavku inzulinskih pumpi za novootkrivene slučajeve inzulovisnike i zamjenske pumpe do utroška navedenih sredstava za registrirane inzulovisnike za 2018. godinu interventno, a od 2019. godine i narednih godina se sredstva osiguravaju iz obaveznog zdravstvenog osiguranja odnosno da iz ZZO Ks finansira u kontinuitetu u skladu sa Uredbom.*

Na osnovu informacija kojima raspolaže Zavod, navedena sredstva su implementirana kroz Budžet kantona i Ministarstvo je provelo proceduru nabavke i distribucije inzulinskih pumpi. Zavod redovno kroz finansijski plan osigurava sredstva za ovu namjenu i na današnji dan nema zaprimljenih, a nerealiziranih zahtjeva za izdavanje novih odnosno zamjenskih inzulinskih pumpi za lica koja to pravo ostvaruju na temelju važeće Uredbe.

*3. Nabavka senzora, odnosno aparata za mjerenje šećera u krvi će se vršiti na teret sredstva obaveznog osiguranja u skladu sa uredbom o funkcionalnim sredstvima s tim što se navedeni aparati reguliraju u agenciji za lijekove i medicinska sredstva BiH*

Prema informacijama koje smo dobili ispitivanjem tržišta, a koje su nam na radnim sastancima potvrdili i predstavnici Udruženja, na tržištu BiH ne postoje dobavljači koji prometuju kontinuirane mjerače šećera u krvi. Kako je novom Uredbom omogućena i refundacija za pomagala koja se još uvijek ne mogu nabaviti na tržištu BiH (prije svega kontinuirani mjerači šećera za djecu), u cilju osiguranja ostvarivanja prava osiguranih lica na predmetna medicinska sredstva, a u dogovoru sa predstavnicima Udruženja dijabetičara djece i omladine Kantona Sarajevo, Zavod zdravstvenog osiguranja Kantona Sarajevo je, kao privremeno rješenje do konačnog izbora isporučio predmetnih medicinskih sredstava, donio odluku kojom je svim osiguranim licima kojima je utvrđeno pravo na korištenje ovih medicinskih sredstava, a ista su nabavili lično, omogućena refundacija sredstava. Zavod zdravstvenog osiguranja Kantona Sarajevo je na osnovu navedene odluke do danas izvršio refundacije za 664 senzora senzora za aparat za kontinuirano mjerenje šećera u krvi (za prateći aparat) za 79 pacijenata uz napomenu da ovaj broj rapidno raste (40 zahtjeva u zadnjih mjesec dana), a što ukupno iznosi 75.130,73 KM.

*4. Da se aparati i 10 trakica godišnje za mjerenje ketona u krvi obezbijede za svakog inzulovisnika do 26 godina na teret ZZO Kantona Sarajevo.*

Prilikom izrade nove Uredbe iz 2020. godine uvaženi su zahtjevi Udruženja i navedeno sredstvo je uvršteno na listu medicinskih pomagala. Prilikom ispitivanja tržišta, niti jedan potencijalni dobavljač nije dostavio podatak da prometuje ovim medicinskim sredstvima, pa je tako, baš kao i za kontinuirane mjerače šećera u krvi, omogućeno da svi pacijenti koji imaju potrebu za ovim medicinskim sredstvom i isto nabave refundaciju mogu ostvariti putem Komisije Zavoda.

Kako su u pitanju lijekovi i medicinska sredstva za dijabetičare koja obezbjeđuje Zavoda, u 2020. godini je izdvojeno više od 22.000.000 KM za ovu namjenu i to preko 20 miliona KM za lijekove i cca. 2 miliona KM za medicinska sredstva.

Pri tome, za medicinska sredstva za cca. 9500 odraslih inzulovisnih pacijenata je izdvojeno cca. 1.400.000 KM (cca. 147 KM po jednom pacijentu), dok je za potrebe 143 inzulovisne djece izdvojeno cca. 550.000 KM (3.846 KM po jednom pacijentu) tj. 26 puta više nego po pacijentu u odnosu na odrasle pacijente.

Kada je u pitanju cijena trakica za mjerenje šećera za odrasle, koje Udruženja dijabetičara djece i omladine Kantona Sarajevo u svom aktu problematizira, vrijedi istaći da cijenu koju trenutno priznaje Zavod (25,21 KM plus PDV) za trakice za mjerenje šećera krvi u gotovo identičnom iznosu priznaju i svi drugi zavodi u BiH (oni zavodi koji to svojim pacijentima uopšte i omogućuju), dok su npr. cijene koje priznaje Hrvatski zavod zdravstvenog osiguranja čak i veće i u preračunatoj vrijednosti iznose 28,50 plus PDV, dok npr. Republički fond za zdravstveno osiguranje Srbije za navedeno medicinsko sredstvo izdvaja do 29,05 plus PDV.

Trakice koje nabavlja Federalni zavod zdravstvenog osiguranja i reosiguranja (koji obezbjeđuje trakice za djecu do 18. godina) su one za koje su mediji pisali o iskustvima roditelja djece korisnika trakica uz zajednički zaključak da se radi o nekvalitetnim trakicama koje ne prikazuju stvarnu razinu šećera u krvi<sup>1</sup>. Kako su ovi aparati i trakice nabavljeni na tenderu (najniža cijena), djeca koja dobivaju svoje trakice putem Federalnog zavoda nemaju nikakvu mogućnost izbora samog aparata već su dužni koristiti onaj najjeftiniji na tenderu, a čiji kvalitet nerijetko odgovara niskoj cijeni. Pored navedenog, vrijedi naglasiti i da djeca koja su članovi Udruženja i čije interese bi trebalo zastupati Udruženje (pa samim tim i njihov zdravstveni savjetnik) uopšte nisu korisnici trakica koje obezbjeđuje Zavod zdravstvenog osiguranja Kantona Sarajevo, a direktno bi htjeli uticati na određivanje prava i

<sup>1</sup> <https://www.jabuka.tv/siroki-brijeg-50-trakica-za-kontrolu-secera-mjesecno-za-sve-maloljetne-dijabeticare/>  
<https://www.vecernji.ba/vijesti/veliki-problem-nedostatan-broj-trakica-za-kontrolu-secera-1241631>  
<https://nap.ba/news/50134>

kvaliteta medicinskih sredstava drugih grupa pacijenata (odraslih inzuloovisnika kojih ima preko 9.500), koji nikada nisu iskazali nezadovoljstvo kvalitetom obezbjeđenih trakica za mjerenje šećera. Dodatno, iz razloga što je omogućavanjem da djeca u Kantonu Sarajevo koriste kontinuirane glukometara gotovo da prestaje potreba za korištenjem običnih (jeftinih) trakica za mjerenje šećera koje su dobivali putem Federalnog zavoda zdravstvenog osiguranja i reosiguranja.

U Kantonu Sarajevo trenutno aktivno djeluju dva udruženja čiji su članovi djeca dijabetičari (i njihovi roditelji), a to su Udruženja dijabetičara djece i omladine Kantona Sarajevo, i kasnije formirano Udruženje oboljelih od dijabetesa tip 1 (u kojem se nalaze uglavnom bivši članovi Udruženja dijabetičara djece i omladine Kantona Sarajevo koji su osnovali novo udruženje).

U prethodnih godinu dana predstavnici Zavoda su u više navrata imali pojedinačne i zajedničke sastanke sa predstavnicima oba udruženja, sve u namjeri da se omogući nesmetano korištenje utvrđenih prava, a prije svega zbog nemogućnosti nabavke kontinuiranih mjerača šećera u krvi u BiH i iznalaženja načina njihove nabavke i pravno validnog načina njihove refundacije, a u čemu smo u konačnici i uspjeli.

Na održanim sastancima sa predstavnicima Udruženja oboljelih od dijabetesa tip 1 iznese su tvrdnje da inzulinske pumpe koje se trenutno koriste i nabavljaju u Kantonu Sarajevo predstavljaju zastarjele modele proizvođača, te da za iste već odavno imaju noviji zamjenski modeli, ali da se oni ne distribuiraju na našem tržištu, zbog čega ovo Udruženje iskazuje svoje nezadovoljstvo, dok u svojim dopisima Udruženja dijabetičara djece i omladine Kantona Sarajevo nema primjedbi na ove modele inzulinskih pumpi.

Na kraju ističemo, da ne razumijemo zašto i dalje postoje veliki pritisci u smislu odobravanja nečega što je već odobreno i u primjeni, i to kroz nekorektne, netačne ili djelomično tačne informacije plasirane u javnost protiv Zavoda i drugih institucija Kantona Sarajevo kada je ova tema u pitanju. Unatoč tome, ostajemo čvrsto opredjeljeni da svim svojim osiguranicima, a pogotovo onim najosjetljivijim grupama, osiguramo ostvarivanje svih njihovih prava i najbolja medicinska sredstva koja se mogu obezbijediti u skladu sa dostupnim finansijskim mogućnostima Zavoda.

Zavod zdravstvenog osiguranja Kantona Sarajevo planira da u narednom periodu u sklopu provođenja antikorupcionih aktivnosti u zdravstvu, u saradnji sa nadležnim organima, provede aktivnosti na promociji fer i stručnog propisivanja medicinskih sredstava i ortopedskih pomagala, te identifikuje slabe tačkica u tom procesu.

S poštovanjem,



DIREKTOR

Сакіо Катана, дпр.оес.

Dostavljeno:

1. Naslovu;
2. a/a.